

cf d



Putujuće feminističke radionice u Banja Luci

Peta radionica održana je 22.07.2010. godine u Domu omladine. Partnerske organizacije u Banja Luci bile su Udruženje za urbani razvoj kulture i hCa Banja Luka. Fondacija CURE je na Putujućim feminističkim radionicama u Banja Luci održala izložbu Heroina i predstavila je projekt građanstvu na uličnoj akciji.



Na uličnoj akciji smo podjelile promotivni material, pozvale građanstvo da dođe na izložbu, informisale ih o našem radu, ciljevima i kontaktima. Promotivni materijal je uključivao informacije o Fondaciji CURE, razglednice, bedževe, HEROINE, FEM zanimljivosti, HERstory, priručnike za edukatorice i aktivistice „Upoznaj svoja prava, žensku istoriju, osnaži se i aktiviraj!“, istraživanja „Koliko djeca i mladi znaju o nasilju“, brošure „101 razlog zašto glasati za ženu“, UNIFEM statistike na globalnom nivou o nasilju nad ženama, kako biti veličanstvena feministkinja, zato šro ženskom poslu nikada kraja, informacije kako je nastao 8.Mart i dva feministička kviza.

Fondacija CURE - ka pozitivnim društvenim promjenama

Adresa: Ante Fijamenga 14b (Kuća ljudskih prava), 71000 Sarajevo, Bosna i Hercegovina
Tel/Fax: + 387 33 713 610, E-mail: info@fondacijacure.org, Web: <http://www.fondacijacure.org>
www.zenskegrupebih.fondacijacure.org, www.pitchwise.fondacijacure.org



Izložba “HEROINE” sadrži prikaz više od pedeset moćnih žena i seže u prošlost i sadašnjost ženske istorije, nudeći inspirativne priče koje i danas potiču nove generacije branitelja i braniteljki ljudskih prava. Izložbu sačinjavaju predstavnice iz BiH i svijeta: književnosti, inovacije i nauke, filma, fotografije, ekologije, mira, muzike i politike.

U toku trajanja izložbe ujedno smo iskoristile priliku i sa prisutnima radile radionicu, gdje smo im prikazale kroz prezentaciju šta je to rod, a šta spol. Kroz interaktivnu komunikaciju objasnile smo im šta je koja heroína sa fotografija uradila, a ponudile smo više informacija i kroz prezentacije, za sve one koji su bili/e zainteresirani/e. Na ovoj izložba - radionici prisustvovalo je i direktno čulo o projektu i planovima za dalje 23 posjetitelja/ki.



Na izložbi smo razmjenile mišljenja i stavove mladih iz Banja Luke, te razgovarale o tome šta za njihov grad znači pričati o feminizmu. Većina njih nikada do sada nije na ovaj način razmišljala niti se upoznala sa istinskom predanošću i radom žena heroina koje smo im predstavile kroz izložbu. Naglasak je bio upravo na tome da je potrebno što više ovakvih vidova edukacije kako bi se svijest građanstva dovela na što veći nivo. Većina prisutnih su se složile da je potreban ovaj vid edukacije i da treba svaki dan pričati o feminizmu kao nečemu što je pozitivno i što donosi promjene na bolje.

Radionice se realiziraju zahvaljujući podršci CFD i Švicarske Ambasade u BiH.

